

AKASHVANI AIZAWL
REGIONAL NEWS BULLETIN
HEADLINES (MORNING)

Date – 24/03/2026

Time - 7:30 -7:40 Hrs

- Lok Sabha MP in Vairengte leh Sairang inkar kawng siam mek ngaihsak turin Sorkar laipui a ngen.
- School Education Department-in School Calendar a siam angin Elementary (Primary leh Middle School) zirlaiten kum 2026-2027 Academic Session atan nimin khan sikul an kai tan.
- Prime Minister Narendra Modia chaun nimin khan Lok Sabha ah West Asia dinhmun sawifiahin US-Israel buaina chungchang a sawifiah
- US President Donald Trump-a chuan Strait of Hormuz hawng leh turin Iran chu ni nga hun a pe.

<><><>

LOK SABHA MP

Lok Sabha MP in Vairengte leh Sairang inkar kawng siam mek ngaihsak turin Sorkar laipui a ngen.

Parliament Budget Session neih mekah Mizoramin Lok Sabha Member a neihchhun Pu Richard Vanlalhmangaiha hian nimin khan House-ah thu a sawi a. Mizoram chak lakna kawngpui pawimawh Vairengte leh Sairang inkar chu chak zawka thawh a nih theih nan Sorkar laipui chu hmalakpui turin a ngen a. Nikum fur laia kawngpui chhia vanga Mizoram mipuite'n harsatna nasa tak an tawrh ang kha an tawrh tawh loh nan hnathawh mek chu kumin fur hmaa zawh a nih theih nan ngaihsak turin Sorkar laipui hotute chu a ngen a ni.

<><><>

MADC BUDGET SESSION

MADC Budget Session 2026 ni 4 awh tur chu MADC Session Hall ah nimin khan tan a ni.

Session hi MADC Chairman Pu N.Viakhu a'n kaihruiin Panel of Chairman a puan hnu ah zawhna leh chhanna hun hman zui nghal a ni.

Chawhma lam session hi zawhna leh chhanna hun atan hmangin ziaka chhan chi unstarred question 7 chhanna chu house dawhkan ah dah a ni a, House-a chhan chi zawhna pakua chhan tur ruahmanah zawhna pariat chhan hman a ni.

Zawhna zingah Myanmar lama sumdawonna nasa tak kalpui mek ah MADC in khuahkhirhna leh Tax lak chungchang ah mumal zawka hmalakna kalpui an duh thu uar taka sawilan a ni a, Pu M.Laikaw CEM chuan official taka he sumdawonna hi hriatpui ni lo mahse MADC dan hman mek leh siamthat ngai te en a, Central leh state sorkar dan tr en chung hmalak zel a nih tur thu a sawi.

Chawhnu session hi chhun zawmin Pu M. Laikaw CEM chuan MADC Budget 2026-2027 avaiin cheng nuai 24633.08 chu house ah pharhin pawmpui turin a ngen a ni. Budget ah hian Salary cheng nuai 22642.49 leh Non-salary cheng nuai 1490.41

bakah VC Salary cheng nuai 55.56 leh Non VC Salary cheng nuai 124.62, Local Revenue Receipt cheng nuai 320, a vai belhkhawm cheng nuai 24633.08 a ni.

Pu M.Laikaw CEM chuan budget speech ah hian kum 2025-2026 a budget chu cheng nuai 21381.71 lakh a nih thu leh hlawh indaihlohna hi Mizoram sorkar ah R.E dil a ni a, an pek theih loh avangin February thla chanve leh march thla hlawh hi an pe thei tawh lova, an buai hle tih a sawi bawk.

Thutkhawm hi vawiinah chhonzawm tur niin Recruitment Rules sawiho a pass tum a ni dawn a. Zirtawpni ah Budget ho sawiho a pass tum a ni.

Tuntum session ah hian starred question 33 leh unstarred question 7 a lut a, Official Rules pakhat a lut bawk.



ACADEMIC SESSION

School Education Department-in School Calendar a siam angin Elementary (Primary leh Middle School) zirlaiten kum 2026-2027 Academic Session atan nimin khan sikul an kai tan.

Sikul engemawzatah chuan sikul luh hmian zirlaite admission tih fel a ni a, hmun thenkhatah erawh nimin thleng khan admission hi la tihchhonzawm a ni a, tunkar tawp lamah chuan zirlai inziah luh hi zawh fel hman beisei a ni. Sikul tam zawk chuan niminah inchinfel nan leh zirlaite hriat tur hrang hrang inhrilhfiarna hun atan an hmang a ni.

Education Department sawi danin Sorkar enkawl Primary leh Middle School zirlaite hnena a thlawna sem tur zirlaibu chu District hrang hrangah thawn chhuah a ni tawh a. Heng zirlaibute hi District Samagra Shiksha hotuten an huam chung khaw hrang hrangah an thawn chhuak hlawm a ni.



AMC ELECTION NOMINATION

Thla leh April ni 21-a AMC inthlanna neih tur chuh turin nimin khan MNF Candidate 4-in Nomination an File.

MNF Candidate Nomination theh lutte hi Ward No. 1 Candidate Pu CL. Biakhlua; Ward No. 3 Candidate Pu K. Romawia; Ward No. 4 Candidate Nl. R. Lalnunthari (Nunui) leh Ward 5 Candidate Dr. Abisak Vantluangpuii-te an ni a, Returning Officer Pu Victor Lalawmpuia hnenah Nomination hi an File a ni.

Aizawl Municipal Corporation-ah hian ward 19 a awm a, heng zingah hian hmeichhiate tan a hauh bik ward hi paruk, ward no 2,4,5,11 leh 12 te a awm a, a bak ward 13 te chu candidate atana mipa leh hmeichhia nih theih ve ve na ward a ni thung a ni.

Kan corr report lo ngaithla ang.

Aizawl Municipal Corporation inthlan thla thar April ni 21 a neih turah hian tun dinhmunah ZPM, MNF leh Congress Party chuan ward zawng zawng chuh kim vek an tum a, BJP hian an ward chuh zat tur an la puang lo a ni.

Aizawl Municipal Corporation huam chungah hian ward number 18-na chu AMC inthlan lo awm tur atana voter tamna ber ward a ni a, voter 29115 an awm a.

Mizoram State Election Commission chhinchhiah danin, AMC ward number 18 na ah hian vote thlak thei hmeichhia 18,906 bakah mipa voter 10,209 an awm a ni.

AMC Ward chhunga voter tlemna ber ward chu ward number 8-na a ni a, AMC Ward number 8-na hian Armed Veng, Armed Veng South leh Chite veng te a huam a, ward number 8-na ah hian voter hmeichhia 3670, mipa 4305, a vai a belhkawmin 7975 an awm a ni.

Aizawl Municipal Corporation huam chhungah hian a veng bil ang a voter tamna ber chu ward number 2-na huam chhunga Bawngkawn Veng a ni a, Bawngkawn Vengah hian voter hmeichhia 3461, mipa 2981, a vai a belkhawmin 6442 an awm a ni.

<><><>

LAWNGTLAI DC & MJA

Lawngtlai Bawrsap Pu Donny Lalruatsanga chuan District hmasawna hna thawhna tura ruahman District Transformation Scheme chungchang ah nimin khan Chanchinbumite a kawm.

Bawrsap chuan State Sorkarin Mizorama District tin chu kumkhat atan Cheng Nuai 100, hmasawna hna thawh nan District Transformation Scheme hnuaiyah a ruahman tih sawiin, he Scheme hnuaiyah hian Lawngtlai District chuan Plan mumal tak siamin, thuneituten Project an siamte pawmin, hnathawhna tur pawisa pawh an dawn tawh thu a sawi.

Bawrsap chuan Nuai 100 atangin Nuai 10 chu hnathawhna vil nan leh tul pawimawh danga hmantur niin, Nuai 90 chu hna hrang hrang, hmasawna lam hawi atana ruahmana hman tur a ni a ti a, tuntumah hian Project pakua pawm niin, heng zing ah hian Bawlhhlawh paihna Motor pahnih leina tur Cheng Nuai 30 pawh a tel a, heibak ah hian Lawngtlai khawpui chhung cheina turte, Mobile Medical Unit atana hmantur Lirthei leina turte, Lairam Nursing School tih changtlunna turte chu a langsar zingah a tel.

Bawrsap chuan UD&PA, Horticulture, Medical leh Education lam chu Department anga Project a tel an nih thu a sawi a, a tahtawlin Department dang pawh telh chhoh tum a nih thu a sawi a, he Scheme hnuaiyah hian Department in hamthatna an hmuh na tur ngawr ngawr chu telh a remloh thu leh mipuiin an chhawr tangkaitur chu ngaihpaawimawh a ni a ti a, hna chu DC Office atanga vila, thawhtur niin, hna an thawhthat chuan he Scheme hnuaiyah hian hmasawna hna thawhna tur dang pawh hmuh chhunzawm theih a ni dawn niin Bawrsap chuan a sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

VIKSIT BHARAT

Sorkar laipui Central Bureau of Communication, Field Office Aizawl, chuan Sesawng Mizoram Home Guards a Central Training Institute-ah hlawhtling takin Viksit Bharat@2047 chungchanga inhrilhriatna hun an buatsaih a.

He hunah hian MRHG & CD Centre Commander Pu F. Lalhuapzauva chuan thusawiin, Central Bureau of Communication chuan Sorkar laipui scheme hrang hrang chungchang leh hlawkna an neih te mipuite hnena hrilhriatna kawngah an thawh hlawk hle a ti a. Viksit Bharat@2047 hmathlir chu a pawimawh hle tih sawiin, India in zalenna a chan atanga kum 100 a hnaih chhoh zel avangin khua leh tuite pawhin ram pumpui hmasawn din a nih theih nan hnathawh an nei ve theuh tur a ni a ti.

Political Science Lecturer Pi. Angeline C. Lalrinawmi chuan India chu kum 2047 ah ram hmasawn nih tir hman tura sorkar laipui hmalakna kal zelah zirna, economy, leh rorelna lama hmasawna hrang hrang te a sawi a. Right to Education Act, 2009 hnuaia hmalakna hrang hrang- SSA, RMSA, KGBV, leh Samagra Shiksha te hmangin ram pumah ziak leh chhiar thiam zat an pung chho mek a ti a. Kum 2023 khan India GDP chu cheng vbc nuai 149 a ni a, a thanna chu zaa 6.5 a ni a ti baw. Heng bakah hian sorkar laipui hmalakna hnuaia mipa leh hmeichhe intluktanna, retheite dawmkanna, faina lama hmalakna Swachh Bharat, leh Green Revolution chungchanga te a sawi baw.

He hunah hian CBC Field Office, Aizawl atangin Lalginlen Lhouvum chuan thu a sawi baw a, Do-Re-Mi troupe chuan ‘Viksit Bharat @ 2047’ thupui milin cultural skit an entir a, interactive session leh quiz competition te neih a ni baw.

<><><>

PM

Prime Minister Narendra Modia chaun nimin khan Lok Sabha ah West Asia dinmun sawifiahin US-Israel buaina chungchang a sawifiah a. Prime Minister Modia chuan ramchhungah energy lamah harsatna a awm lo tih sawiin petrol,diesel, oil, gas leh fertilizer te tluang takin sem mek a ni a ti a.

India chuan metric tonne maktaduai 5.3 chuang petroleum dahkhawl a neih thu a sawi a. Metric tonne maktaduai 6.5 chuang chhek belh turin ruahmanna a kal mek tih a sawi baw a ni. Pu Modia chuan buaina chu kar thum chung a aw hlawh thu sawiin hei hian khawvel sum leh pai dinmun nasa takin a nghawng a ti a. Mipui nunphung thlengin nghawng a neih thu a sawi baw a ni.

Sawrkarin ram hrang hranga supplier te a be pawp reng tih a sawi a. Hei bakah hian ramdanga India mi chengte himna tur chu sawrkarin a ngaipawimawh hle tih a sawi baw a ni.

<><><>

US

US President Donald Trump-a chuan Strait of Hormuz hawng leh turin Iran chu ni nga hun a pe. Pu Trump-a chuan he a thilphut ti hlawhtling tur hian US chuan ni nga chhung power plant a kahte a titawp hrih ang a ti a. Social Media lamah he thu hi tarlangin US leh Iran thuneituten inbiakna tha tak an neih thu sawiin rah tha tak chhuah tur leh hmalam hunah buaina chingfel turin beiseina a siam thu a sawi a ni.

<><><>